

REUNIUN - einander begegnen - gemeinsam feiern

Invitaziun alla sera d'informaziun

19 da fevrer 2019 – 20:00 – aula Glion

Preziai geniturs

Il marcau da Glion fa part dils marcaus europeics dalla reformaziun. Ils davos onns han tut ils marcaus da reformaziun menau atras differentas occurrenzas cun il tema reformaziun. Sco punct culminont vegn la finiziun dallas festivitads da 500 onns menada atras a Glion il zercladur 2019.

Venderdis, ils 21 da zercladur 2019 organischescha l'entira scola Ilanz/Glion in di da project cun il tema «REUNIUN – einander begegnen - gemeinsam feiern».

Cun quest scriber informein nus Vus davart quei di da project ed envidein gest Vus all'occurrenza d'informaziun:

Nossa visiun

El center dalla «REUNIUN» stat buc la reformaziun, mobein la scuntrada, il brat ed il seunir da tut las religiuns, naziuns, fracziuns, persunas d'instrucziun, affons e lur geniturs.

Quei di duei la diversitad religiosa, culturala e linguistica da nossa vischnaunca vegnir veseivla. Pregiudezis svaneschan – novas enconuschientschas ed amicezias seresultan!

Nus duvrein Vus!

Dapi igl onn 2014 ei Ilanz/Glion INA vischnaunca cun nundumbrevilas culturas, usits e tradiziuns che nus strusch enconuschein.

La scola Ilanz/Glion vul possibilitar a tut ils habitonts d'emprender d'enconuscher quellas culturas, quels usits e quellas tradiziuns. Per quei intent duvrein nus Vus sco experta ni expert.

Per plascher vegni ina dallas suandontas seras – mingamai allas 20:00 – per intervegnir dapli dalla REUNIUN e Vossa collaboraziun pusseivla.

REUNIUN – einander begegnen – gemeinsam feiern

Cun Vies sustegn sa la «REUNIUN» daventar ina fiasta da sentupada multifara. Suandei per plascher noss'invitaziun e seschei informar davart il project.

Amicabels salids, la gruppa da lavur REUNIUN

Ser Jan Andrea Bernhard, persuna d'instrucziun Rueun e commember dalla gruppa da lavur Refo500

Nina Casanova, persuna d'instrucziun Ruschein

Jürg Marguth, luvrer social per tut ils loghens da scola

Marc Pfister, persuna d'instrucziun Glion e menader da ressort

Susanne Scharf, persuna d'instrucziun superiura Glion

Entginas cefras

vischnaunca	1
habitonts	4700
loghens da scola	5
total affons da scola	501
scolarAs superiors	145
scolarAs primars	252
scolarets	105
naziuns (incl. Svizra)	22

Seras d'informaziun

11 da fevrer 2019: a Rueun

14 da fevrer 2019: a Duvin

18 da fevrer 2019: a Ruschein

19 da fevrer 2019: a Ilanz

21 da fevrer 2019: a Castrisch

Nus selegrein da saver beneventar Vus a caschun d'ina da quellas seras d'informaziun!